

Die boom van die lewe

Is die boom van die lewe, YAHUSHA ?

Gen.2:9 En YHUH het allerhande bome uit die grond laat uitspruit, begeerlik om te sien en goed om van te eet; ook die boom van die lewe in die middel van die tuin, en die boom van die kennis van goed en kwaad.(Alles wat YHUH gemaak of geskape het was goed, Gen.1:31, m.a.w. tot Lucifer wat gekoppel word aan die boom van kennis, was goed. Wat ook gesien kan word is dat beide die bome uit of van die aarde moes gewees het, want YHUH sê: alle bome). *Gen.3:22 Toe sê YHUH : Nou het die mens geword soos een van Ons deur goed en kwaad te ken. As hy nou maar nie sy hand uitsteek en ook van die boom van die lewe neem en eet en lewe in ewigheid nie! Gen.3:22 ... lest he put forth his hand, and take also of the tree of life, and eat, and live forever:(YHUH spreek tot VADER "Mede Skepper" en erken dat Sy skepsels oortree het deur om van die verkeerde boom te ontvang wat Hy hulle oor gewaarsku het. Hy noem ook dat hy wil hê dat hulle van die boom van lewe ook moet ontvang) *Gen.3:24 So het Hy dan die mens weggedrywe en gerubs aan die oostekant van die tuin van Eden laat woon, met die swaard wat vlam en flikker, om die toegang tot die boom van die lewe te bewaak. Gen.3:24..and a flaming sword which turned every way, to keep the way of the tree of life.*(Die mens is uit die tuin van Eden op YHUH se bevel, nie dat hulle nie van die boom van die lewe mag eet of ontvang nie! Lees mooi, dat die toegang tot die boom bewaak word, m.a.w. die toegang word suiwer gehou deur die swaard tot toegang. Nie enige een kan tot die boom van lewe kom nie, maar slegs die wat YHUH toelaat, daarom die swaard. "Slegs die uitverkorenes". *Open.2:7 staan: Wie 'n oor het, laat hom hoor wat die Gees aan die gemeentes (Uitverkorenes) sê. Aan hom wat oorwin, sal Ek (YHUH) gee om te eet van die boom van die lewe wat binne in die paradys van VADER is.* *Open.22:2 In die middel van sy straat en weerskante van die rivier was die boom van die lewe wat twaalf maal vrugte dra en elke maand sy vrugte gee, en die blare van die boom is tot genesing van die nasies.* (Om die Paradys is sy rivier waarvan daar 'n hoofweg is na die boom van lewe wat tot genesing is). *Open.22:14 Tot redding is die wat Sy gebooie doen, sodat hulle reg kan hê op die boom van die lewe en ingaan deur die poorte in die stad.* (Die wat YHUH se Gebooie doen, m.a.w. kry eers jou prioriteite reg en kom deur YAHUSHA na die boom van die lewe. Erken YAHUSHA, en doen Sy wil, sodat Hy jou die reg tot die vrug van die boom, deur die stadspoort kan skenk). *Open. 22:19 En as iemand iets van die woorde van die boek van hierdie profesie wegneem, dan sal VADER sy deel wegneem uit die boek van die lewe en uit die reine stad en uit die dinge waarvan in hierdie boek geskrywe is.**

Open.22:19 And if anyone cancels or takes away from the statements of the book of this prophecy, FATHER will cancel and take away from him his share in the tree of life and in the city of holiness which are described and promised in this book. (In die boek van die lewe is dit geskrywe dat ons wel toegang het tot die boom van die lewe).

Wat nou vir my interessant is, is dat die boom van die lewe voortdurend in klein letters geskryf word. Dit skep die indruk dat dit minderwaardig is, maar tog noodsaaklik. As ons nie by die boom uitkom nie is ons nog nie in die Paradys nie, m.a.w. wanneer ons met YHUUH weer gaan trou en in die Paradys met Hom wandel sal ons reg hê tot die boom van lewe. Tog sê die Skrif dat al die weë na die boom suiwer gehou word sodat die duisternis dit nie kan verduister nie.

Ons voorvaders moes ook gedeeltelik daarvan bewus gewees het; hulle het ongelukkig net 'n mis persepsie daarvan gehad. Hulle het bv. heilige pale en pilare langs YHUUH se altare geplant. *Deut.16:21* Moses het op sy beurt, met bevel van YHUUH, ook die paal van die lewe geneem en 'n slang daaraan gehang en die wat daarna gekyk het, het gesond geword. Ongelukkig het die volk nie opgehou om te kyk nie, want hulle het gedink dat dit die weg is. Dokters en ander gesond makers het ook die simbool, wat 'n universele simbool geword het, misbruik om die volk te mislei.

Met versigtig wil ek ook YAHUSHA inbring. In die meeste Skrifte noem en skryf hulle dat YAHUSHA aan 'n kruis gehang het en ons weet dat Hy wel aan 'n boomstomp of 'n boom paal gehang het. (Die Gesalfde het gesterf aan 'n enkel paal of boomstomp en nie aan 'n gekruiste hout nie. Lees gerus in die King James, *Hand.13:29; 10:39; 5:30; Gal.3:13; 1Pet.2:24* Folterpaal was gebruik om die mens te folter m.a.w. te slaan en seer te maak. Die sodanige kruishout stel die vier windrigtings; die Zodiac kruis wat in die astrologie gebruik word; 'n T vir die afgod Tammus wat die seun van Nimrod is; die vertikale streep of hout stel die manlike voor en die horisontale die vroulike voor, ens.) Die boom van die lewe wat weereens misbruik was deur die teenparty het die boom 'n vloekhout gemaak. Die boom van die lewe wat nie eens 'n boom was nie het 'n simboliese boom geword deur okkultisme. 'n Boom of paal is tog 'n simbool van dood, weens geen takke of blare aan nie. Is dit dalk hoekom hulle YAHUSHA daaraan gehang het wat die Lewe is. Hulle het Hom gemartel en vasgemaak aan die aanbidding idool. So kan ons baie pale of bome uit die Skif haal wat terug herlei kan word deur aanbidding van die volk na die boom van die lewe.

As ons na Elia kyk het hy presies geweet waar die volk se hunkering was en dat hy dit dadelik aanspreek in: *1 Kon.18:21 En Elia het nader gekom na die hele volk en gesê: Hoe lank hink julle op twee gedagtes? As YHUUH Opperhoof is, volg Hom na; en as Baäl dit is, volg hom na! Maar die volk het hom niks geantwoord nie. Hy praat met hulle omrede hulle een Heerser gedagte het, maar twee deure. Eseg.43:8*

Baal het Asjera gebruik wat die boom en die krullende slang om haar gehad het tot die lewe, maar tog was die boom van lewe 'n skepping van YHUH in die tuin van Eden, m.a.w. die boom van lewe het YHUH nodig en nie andersom nie. Die Seun van VADER is die beginpunt en die boom van die lewe is deel van Sy wyse plan met ons. Hulle het ook die boom vervroulik, omrede dit lewe moes baar of voortbring.

YHUH was ontsettend kwaad vir hulle wanbegrip en afbeelding van wat Hy hulle oor gewaarsku het; soos gelees kan word in: *Miga.5:13 En Ek sal uit jou midde uitruk jou heilige boomstamme....Ex.34:13 Maar hulle altare moet julle omgooi en hulle klippilare verbrysel en hulle heilige boomstamme afkap. Deut.16:21 Jy mag vir jou nie 'n heilige boomstam of enige boom plant langs die altaar van YHUH jou Opperhoof.... Deut.7:5; Rug. 6:28; Jer.11:19 ; ens.*

Kom ons kyk na die vrug van die boom. In *Spr.11:30* staan: *Die vrug van die regverdige is 'n boom van die lewe, en hy wat siele win, is wys.*

Joh.4:36 En hy wat maai, ontvang loon en vergader vrug vir die ewige lewe, sodat die saaier en die maaier saam bly kan wees.

Luk 8:14 En wat in die dorings geval het—dit is die wat gehoor het, en hulle gaan weg en word verstik deur die sorge en rykdom en genietinge van die lewe en dra geen ryp vrug nie. (2 Pet.1:3)

YHUH het aan Adam in die tuin van Eden gesê dat hy slegs van die een boom nie mag eet nie, m.a.w. hy kon van al die ander eet en dit sluit ook die boom van die lewe in. Vir om en by 100 jaar maak hy toe gebruik van die boom van die lewe, en deur sy gehoorsaamheid, ontvang hy die loon daarvoor. (Saaier= YHUH en maaier= Adam Joh.4:36). Tugtiging het ingetree vanaf Eva, weens ongehoorsaamheid. Hulle is uit die tuin gestuur, weg van die boom van die lewe, nie dat hulle nie meer toegang tot die boom het nie. Hulle en hul nageslag moet nou eers toestemming ontvang om van die boom te eet. Hulle gaan nou getugtig word in die leerproses op aarde en moet nou hard werk om die vrug te verdien.

Kom ons kyk nou na die trooster in die Skrif. *Pred.4:1 Daarna weer het ek gesien al die verdrukkinge wat onder die son plaasvind, en kyk, daar was trane van verdruktes, en vir hulle was daar geen trooster nie; en aan die kant van hulle verdruktes was mag, maar daar was vir hulle geen trooster nie. (Deur onkunde en ongehoorsaamheid was die boom nie beskikbaar nie)*

Klaag.1:1 sê: Ag, hoe verlate sit die stad (Sion)...16 Daarom ween ek, my oog, my oog loop af in water, want ver van my is die trooster wat my verkwik; my kinders is verbyster, omdat die vyand die oorhand het.: (lees gerus die hele hoofstuk van Klaag.1) satan het vir baie jare hard gewerk om ons in die duister te hou oor die boom van die lewe, daarom die geklaag.

Kom ons gee nou perspektief oor die ondersoek. YHUH sê: Laat daar wees, en dit was so. Adam wat eers later geskape was (m.a.w. na die "bome") het die voorreg gehad om van die boom van die lewe te geniet. Deur wetsoortreding het die vrye toegang tot die boom beperk geraak vir hom en sy nageslag. Let ook op dat die boom slegs aan Adam en Eva (en sy nageslag) beskikbaar was en nie vir die ander skepsels buite die tuin nie, want die boom was {en is nog steeds} in die Paradys.

My erkenning en doelstelling kom uit *Joh.14:6*. *YAHUSHA antwoord hom: Ek is die weg en die waarheid en die lewe; niemand kom na die VADER behalwe deur my nie.* YAHUSHA die weg, YAHUSHA die waarheid en YAHUSHA die lewe, m.a.w. YHUH (YAHUSHA) kom in Gen. as die lewe en skape alles wat ons ken en van weet, wat die boom van Hom (wat lewe is) insluit. Die Lewe (YHUH) het 'n boom geskep, waarvan Hy Adam toestemming gegee het om van te eet. Die boom was nie die lewe nie maar net 'n skepping van YHUH. Die boom het alles ontvang van YHUH oor die heelal, oor die ontstaan van alle dinge, oor heerskappy in VADER se Koninkryk en alles wat die mens moes weet en leer. Die boom wat aan die "lewe" behoort is nie die lewe nie, maar behoort aan Hom. Nou verstaan ons beter as ons sê: die boom "van" die lewe. YAHUSHA sê: Ek is die weg tot die boom, Ek is die waarheid wat jy ontvang by die boom, Ek is die lewende brood aan daardie boom en deur daardie lewensbrood sal jy die ewige lewe kan beërwe en ingaan in VADER se koninkryk.

Ter afsluiting. Wie of wat die boom is, is nie saaklik nie, maar die vrug van die boom. Die boom is YHUH s'n wat 'n taak ontvang het soos die engele in Openbaring. Hy is die trooster wat YAHUSHA gestuur het wat in bewaring was in die tuin van Eden en nou weereens vrylik tot ons beskikking is.

Ek verbly my in die wat kan verstaan en graag van daardie vrug wil eet.
Joh.6:31 – 58

Halleluja!!